

Venres, 19 de setembro de 2025

Núm. 179

# ADMINISTRACIÓN LOCAL

## MUNICIPAL

### VILAGARCÍA DE AROUSA

#### Subvencións e axudas

*BASES REGULADORAS DO OUTORGAMENTO DE AXUDAS PARA ESTUDANTES UNIVERSITARIOS/AS E DE CICLOS SUPERIORES DE FORMACIÓN PROFESIONAL QUE, RESIDINDO EN VILAGARCÍA DE AROUSA, REALICEN OS SEUS ESTUDOS FÓRA DO TERMO MUNICIPAL NO CURSO 2024/2025*

*BASES REGULADORAS DO OUTORGAMENTO DE AXUDAS PARA ESTUDANTES UNIVERSITARIOS/AS E DE CICLOS SUPERIORES DE FORMACIÓN PROFESIONAL QUE, RESIDINDO EN VILAGARCÍA DE AROUSA, REALICEN OS SEUS ESTUDOS FÓRA DO TERMO MUNICIPAL NO CURSO 2024/2025*

#### 1. OBXECTO DO PRESENTE CONCURSO

Constitúe o obxecto das presentes bases regular un réxime de axudas a os/as estudantes que, residindo en Vilagarcía de Arousa, cursaran os seus estudos universitarios ou outros superiores ou ciclos superiores de Formación Profesional fóra do termo municipal durante o curso 2024/2025.

#### 2. REQUISITOS XERAIS DOS/AS BENEFICIARIOS/AS DA SUBVENCIÓN

Os/as solicitantes das axudas previstas nestas bases deberán cumprir os seguintes requisitos:

- 2.1. Ser cidadán/á español/a ou dalgún dos países membros da Unión Europea ou cidadán extracomunitario.
- 2.2. Ter fixada a súa residencia habitual, de maneira permanente e ininterrompida, no municipio de Vilagarcía de Arousa. Comprobaranse os datos do padrón que certifiquen dita realidade. A antigüidade de residencia no municipio deberá ser de polo menos un ano de forma continuada á data da solicitude.
- 2.3. Ter estado matriculado/a, no curso 2024/2025, en universidades ou en estudos superiores ou en ciclos superiores de Formación Profesional públicos ou en centros privados que contengan a autorización de organismos públicos competentes en materia de educación e cuxos estudos conduzan á obtención dun título oficial, matriculación que deberá comprender un período mínimo de nove meses. Quedan excluídos os estudos realizados on-line.

Os/as solicitantes das axudas para estudos universitarios ou outros superiores deberán acreditar que durante o curso 2024/2025 cursaran un mínimo de catro materias anuais ou un mínimo de trinta créditos por curso académico.



Venres, 19 de setembro de 2025

Núm. 179

2.4. Que a renda da unidade familiar de convivencia non supere os seguintes limiares:

- Familias de 1 membro: 16.191,65 euros
- Familias de 2 membros: 27.639,41 euros
- Familias de 3 membros: 37.516,47 euros
- Familias de 4 membros: 44.553,99 euros
- Familias de 5 membros: 49.798,38 euros
- Familias de 6 membros: 53.758,05 euros
- Familias de 7 membros: 57.675,74 euros
- Familias de 8 membros: 61.574,13 euros

A partir do oitavo membro engadirase 3.890,45 € euros por cada novo membro computable da familia.

A renda familiar para os efectos desta convocatoria obterase por agregación das rendas do exercicio 2024 de cada un dos membros computables da familia que obteñan ingresos de calquera natureza. A renda será a da base imponible xeral, calculada segundo os criterios establecidos na normativa do imposto sobre a renda das persoas físicas (casa 435).

Para o cálculo da renda familiar, enténdese como membros computables da unidade familiar: o pai, a nai, titor ou persoa encargada do mantemento da persoa solicitante, se é o caso, as/os irmás/ns solteiros/as menores de vinte e cinco anos, ou maiores de vinte e cinco anos cando se trate de persoas con discapacidade física, psíquica ou sensorial recoñecida, que convivan no domicilio familiar a 31 de decembro do 2024. No caso das/os irmás/ns da persoa solicitante, a súa renda será considerada nun 50%.

No caso de divorcio, separación legal ou de feito dos proxenitores, non se considerará membro computable aquel deles que non conviva coa persoa solicitante da bolsa, sen prexuízo de que na renda familiar se inclúa a súa contribución económica. Terá a consideración de membro computable, se é o caso, o actual cónxuxe ou persoa unida por análoga relación co proxenitor co que conviva a persoa solicitante e as súas rendas se incluírán dentro do cómputo das familiares. Neste suposto, terán a consideración de membros computables as persoas descendentes en 1º grado menores de 25 anos que convivan no domicilio.

No caso de familias monoparentais ou numerosas, incrementarase nunha persoa o número de membros que compoñen a unidade familiar. Entenderase por familia monoparental o disposto no Art. 13 da Lei 3/2011, do 30 de xuño, de apoio á familia e á convivencia de Galicia.

No caso de familias acolledoras ou unidades familiares de convivencia con persoas valoradas como dependentes ou con discapacidade recoñecida, a persoa solicitante deberá manifestar a inclusión desa persoa como membro da unidade familiar para o seu cómputo no cálculo da renda. Ademais, incrementarase nunha persoa o número de membros que compoñen a unidade familiar.



Venres, 19 de setembro de 2025

Núm. 179

Da renda da unidade familiar computable, deduciranse os gastos derivados do alugamento ou hipoteca de vivenda habitual, ata un máximo de 250 euros mensuais, previa presentación da documentación acreditativa correspondente.

2.5. Estar ao corrente no cumprimento dos seus deberes tributarios e coa Seguridade Social. O solicitante non poderá estar incurso en ningunha das circunstancias que prohibe ter a condición de beneficiario, previstas no parágrafo 2º do artigo 13 da Lei 38/2003 do 17 de novembro, Xeneral de Subvencións.

2.6. Ao amparo do establecido no artigo 10.2 da lei 9/2007, de 13 de xuño, de Subvencións de Galicia, a condición de beneficiario/a poderá obterse aínda que non se encontre ao corrente nas súas obrigas económicas con este concello.

### 3. PRAZO E LUGAR DE PRESENTACIÓN DAS SOLICITUDES

3.1. O prazo de presentación de solicitudes será dende o día seguinte á publicación no BOP de Pontevedra ata 12 de outubro de 2025. Este prazo poderá ser prorrogado por resolución da Xunta de Goberno Local.

3.2. As persoas interesadas presentarán as súas solicitudes na sede electrónica do concello: *sede.vilagarcia.gal*.

### 4. FORMA DE PRESENTACIÓN DAS SOLICITUDES

As solicitudes descargaranse na páxina web do Concello de Vilagarcía de Arousa no enderezo electrónico *www.vilagarcia.gal* ou na sede electrónica *sede.vilagarcia.gal*.

As persoas solicitantes deberán presentar a seguinte documentación que proceda:

- Anexo I. Impreso de solicitude segundo o modelo que figura como
- DNI, NIE da persoa solicitante
- Libro de Familia completo ou documentación oficial acreditativa dos membros da unidade familiar coas súas datas de nacemento
- Documento acreditativo da situación de independencia
- Certificado de discapacidades dos membros da unidade familiar maiores de 25 anos
- Anexo II. Autorización para poder solicitar datos á Axencia Tributaria relativos ao nivel de renda (IRPF) do ano 2024, do solicitante e demais membros maiores de 16 anos que conforman a unidade familiar de convivencia
- Xustificante do gasto de alugamento ou hipoteca da vivenda habitual
- En casos de separación ou divorcio, certificado de convivencia actualizado á data da presentación da solicitude e Convenio Regulador ou Resolución de medidas paternofiliais cando se trate de parellas non casadas que cesaron a convivencia
- Certificado de familia monoparental ou documentación acreditativa desa situación.



Venres, 19 de setembro de 2025

Núm. 179

- Acreditación de ter condición de familia numerosa, acollidora ou que teñen ao seu cargo a persoas dependentes valoradas ou con discapacidade recoñecida.
- Xustificante das notas obtidas no curso 2024/2025. No caso de que os estudos se realicen no estranxeiro, deberá achegarse unha tradución do documento e declaración xurada que ratifique dita tradución
- Certificación bancaria do número de conta (IBAN) na que o/a solicitante sexa titular ou cotitular na mesma.
- Anexo III, sobre membros da unidade familiar en situación de dependencia ou discapacidade
- Anexo IV. Declaración de estar ao corrente coas obrigas tributarias e coa Seguridade Social.

A documentación que xa fora presentada na convocatoria anterior e esta vixente pode ser omitida se esa circunstancia é sinalada no Anexo I.

A Sede Electrónica do Concello non admite arquivos que superen na súa totalidade os 10 Mb e non permite determinados formatos. O/a solicitante terá que presentar:

- Un pdf que conteña un índice de toda a documentación que se achega.
- Un pdf por cada documento

## 5. PROCEDIMIENTO PARA A CONCESIÓN DA SUBVENCIÓN.

5.1. Incoación do expediente. O procedemento iniciarase previa solicitude da persoa interesada e impulsarse de oficio en todos os seus trámites.

5.2. Órgano competente para a instrución. O órgano competente para a instrución dos expedientes serán os departamentos de Educación e Servizos Sociais do Concello de Vilagarcía de Arousa, que verificarán que a instancia presentada se atope correctamente cumprimentada e asinada, e acompañada da documentación que resulte preceptiva de acordo co disposto no apartado catro das presentes bases reguladoras (“Forma de presentación das solicitudes”).

5.3. Corrección de defectos na solicitude. Se a solicitude non reúne os requisitos que lle foran esixibles, especialmente se non vén acompañada dalgún dos documentos previstos no apartado catro (“Forma de presentación de solicitudes”) o órgano instrutor requirirá ao/a interesado/a para que emende os defectos ou complete a solicitude no prazo máximo e improrrogable de dez días hábiles dende a notificación (art. 68.1 LPACAP), advertíndolle que, de non facelo así, teráselle por desistida súa petición, logo da resolución que deberá ser ditada nos termos do Art. 21 LPACAP.

5.4. Informes, avaliación de solicitudes e outras actuacións. Non habendo defectos emendables ou, de habelos, se estivesen corrixidos en tempo e forma, continuarase coa instrución do expediente. O órgano instrutor realizará de oficio todas cantas actuacións estime necesarias para a determinación, coñecemento e aprobación dos datos que sirvan de base á resolución de



Venres, 19 de setembro de 2025

Núm. 179

acordo ao disposto na Lei 38/2003, de 17 de novembro, Xeral de Subvencións (RD 887/2006 de 21 de xullo) e nas presentes bases reguladoras. En particular, poderá solicitar cantos informes foran necesarios para fundamentar a resolución ou foran esixibles pola normativa vixente, que en todo caso terán carácter facultativo e non vinculante e deberán ser remitidos nun prazo non superior a dez días, así como poderá avaliar as solicitudes conforme aos criterios contidos nas presentes bases reguladoras.

5.5. Concorrenza competitiva. As axudas reguladas nestas bases tramítanse en réxime de concorrenza competitiva, de conformidade co disposto no artigo 22.1 da Lei 38/2003, de 17 de novembro, Xeral de Subvencións, e no artigo 19 da Lei 9/2007, de 13 de xuño, de subvencións de Galicia.

A concesión practícarase previa baremación das solicitudes atendendo estritamente á renda per cápita da unidade familiar, conforme foi definida no apartado 2, e ata esgotar o crédito desta convocatoria. En caso de empate, terá preferencia aquel solicitante que non tivera ningún tipo de axuda de calquera administración pública para esta mesma finalidade

5.6. Proposta para resolución. A proposta de resolución deberá expresar a persoa solicitante ou a relación de solicitantes para as que se propón a concesión da subvención e a súa contía, especificando a súa avaliación e os criterios de valoración seguidos para efectualala.

O expediente de concesión conterá o informe do órgano instructor no que conste que da información que obra no seu poder, despréndese que o/a beneficiario/a cumpre con todos os requisitos necesarios para acceder ás mesmas.

5.7. Notificación da proposta. O órgano de instrución notificará a proposta de resolución aos/ás interesados/as que foran excluídos como beneficiarios/as na fase de instrución, mediante notificación por correo electrónico, aos efectos de presentar as alegacións ou emendas oportunas no prazo máximo de quince días, transcorridos os cales, o Concello de Vilagarcía de Arousa entenderá que o solicitante renuncia á axuda.

5.8. Resolución. O órgano competente para a resolución definitiva do expediente será a Xunta de Goberno Local, previo informe dos departamentos de Educación e Servizos Sociais e a proposta das delegacións de Educación e Servizos Sociais. A resolución da Xunta de Goberno Local porá fin ao procedemento de acordo ao previsto no artigo 84 da LPACAP e con fundamento nos criterios que se conteñen na lexislación vixente e nas presentes bases reguladoras.

5.9. Prazo máximo de resolución. O prazo máximo para resolver cada solicitude será de tres meses a partir da data na que remate a convocatoria.

Transcorrido dito prazo sen que recaera resolución expresa poderá entender desestimada a súa solicitude por silencio administrativo.

A resolución do procedemento notificarase aos/ás interesados/as de acordo co previsto no artigo 41 da LPACAP, a cuxos efectos bastará practicar a notificación no domicilio ou correo



Venres, 19 de setembro de 2025

Núm. 179

electrónico que a persoa interesada tivera sinalado ao efecto no momento de cursar a súa solicitude. En todo caso, a resolución será publicada nos taboleiros de anuncios do Concello de Vilagarcía de Arousa, na páxina web do Concello de Vilagarcía de Arousa, <http://www.vilagarcia.gal/>, e na súa sede electrónica, <https://sede.vilagarcia.gal/>

5.10. Recursos. A resolución que poña fin ao expediente esgotará a vía administrativa, de maneira que o interesado poderá interpoñer contra dita resolución, potestativamente e á súa elección, recurso de reposición ante o mesmo órgano administrativo que ditou a resolución no prazo máximo de tres meses contado a partir do seguinte día da súa notificación, ou ben directamente recurso Contencioso-Administrativo ante os Xulgados ou Tribunais do Contencioso-administrativo, neste caso, no prazo máximo de dous meses contados a partir do día seguinte ao da súa notificación.

## 6. CONTIA DA AXUDA E COMPATIBILIDADE CON OUTRAS CONVOCATORIAS

O importe da axuda será de catrocentos vinte e cinco euros (425 €) para os estudos universitarios ou similares e de dous centos vinte e cinco euros (225 €) para os estudos de ciclos superiores de Formación Profesional ou similares ou da UNED.

De conformidade co disposto no artigo 19 da Lei 38/2003, de 17 de novembro, Xeral de Subvencións, as axudas reguladas nestas bases considéranse compatibles con outras axudas ou subvencións para a mesma finalidade, sempre que o importe conxunto das mesmas non supere o custo da actividade subvencionada

## 7. FORMA DE ABONO

O Concello de Vilagarcía de Arousa decidirá a forma de abono da presente convocatoria de subvencións para estudantes universitarios/as. O importe da subvención farase efectivo nun só pago.

## 8. XUSTIFICACIÓN DA ACTIVIDADE

O/a beneficiario/a da axuda deberá ter acreditado o cumprimento da finalidade para a que lle foi concedida mediante a xustificación de ter superado ao menos o 50% das materias do curso 2024/2025 no que estivera matriculado.

## 9. OBRIGAS DOS/AS BENEFICARIOS/AS

As persoas beneficiarias das presentes axudas deberán cumprir coas obrigas establecidas con carácter xeral nos artigos 14 da Lei 38/2003, Xeral de Subvencións, e 11 da Lei 9/2007, de subvencións de Galicia, e en particular:

- a) Destinar o importe da axuda á finalidade para a cal foi concedida, isto é, contribuír ao financiamento dos gastos derivados da escolarización do/a menor en Educación Infantil.



Venres, 19 de setembro de 2025

Núm. 179

- b) Acreditar, ante o Concello, o cumprimento dos requisitos e condicións que determinen a concesión ou disfrute da subvención.
- c) Someterse ás actuacións de comprobación que poida efectuar o Concello e, de ser o caso, ás de control financeiro que correspondan á Intervención Xeral ou a outros órganos de fiscalización.
- e) Conservar os documentos xustificativos da aplicación dos fondos percibidos, incluídos os electrónicos, durante o prazo de prescrición previsto nas normas de aplicación.
- f) Proceder ao reintegro dos fondos percibidos nos supostos previstos na lei

### 10. VERIFICACIÓN E REVOCACIÓN

Ao marxe do disposto no apartado anterior, unha vez concluído o proceso de adxudicación das axudas, o Concello de Vilagarcía de Arousa poderá requirir aos/as beneficiarios/as a presentación dos documentos que considere oportunos para acreditar a efectiva realización da actividade para a que lle foi concedida a subvención.

A aceptación das presentes bases implicará tamén a autorización ao Concello de Vilagarcía de Arousa para recadar de calquera organismo, entidade ou institución, e calquera que fora a súa natureza- pública, semipública ou privada- os datos necesarios para determinar a concesión ou denegación da axuda e, no caso de que lle fora concedida, para determinar se o seu importe foi integramente empregado para a finalidade para que lle foi concedida.

Igualmente, implicará a aceptación de ser notificados/as pola vía telemática, conforme ao disposto no artigo 27.2 da Lei 11/2007, de 22 de xuño, de acceso dos cidadáns aos servizos públicos.

O incumprimento das obrigacións contraídas polo/a beneficiario/a en virtude do disposto na Lei 38/2003, de 17 de novembro, Xeral de Subvencións, nas presentes bases reguladoras e nas Bases de execución do orzamento do Concello de Vilagarcía de Arousa e, particularmente, o incumprimento no disposto no apartado 12 ("Obrigacións dos/as beneficiarios/as) ou o falseamento ou ocultación dos datos que tiveran dado lugar á concesión da subvención, poderá dar lugar á revogación da resolución estimatoria da mesma e ao reintegro do importe total ou parcial da subvención inicialmente concedida, previa resolución ditada ao efecto polo órgano competente para a súa concesión, que deberá estar debidamente motivada e notificada ao/a interesado/a.

### 11. REINTEGRO

Procederá o reintegro total ou parcial das cantidades percibidas, así como a esixencia do xuro de demora correspondente desde o momento do pagamento da axuda ata a data en que se acorde a procedencia do reintegro, nos supostos previstos no artigo 33 da Lei 9/2007, de subvencións de Galicia, e, en particular, nos seguintes casos:

- a) Obtención da axuda falseando as condicións requiridas ou ocultando aquelas que o impedirían.



Venres, 19 de setembro de 2025

Núm. 179

- b) Incumprimento total ou parcial do obxecto da axuda.
- d) Incumprimento das condicións impostas con motivo da concesión da axuda..
- e) Resistencia, escusa, obstrución ou negativa ás actuacións de comprobación e control financeiro.
- g) Calquera outro suposto previsto na normativa básica ou autonómica en materia de subvencións.

O procedemento de reintegro tramitarase conforme ao previsto no artigo 77 e seguintes do Decreto 11/2009, de 8 de xaneiro, polo que se aproba o Regulamento da Lei 9/2007

## 12. FINANCIACIÓN

O importe correspondente ás axudas que se convocan farase con cargo ós créditos dos orzamentos das Areas de Educación e Benestar Social no exercicio vixente (prorrogado do ano 2024).

O importe das axudas concedidas non poderá exceder de 86.000,00 euros distribuídos nas seguintes aplicacións orzamentarias:

320-48003 .....	34.000,00€
231-48003 .....	34.000,00€

## 13. APLICACIÓN E INTERPETRACIÓN DAS BASES

O órgano competente para a resolución das dúbidas ou controversias que puideran suscitarse con motivo da interpretación ou aplicación das presentes bases reguladoras será o Sr. Alcalde, a proposta das Áreas de Educación e Servizos Sociais.

## 15. TRANSPARENCIA E BO GOBERNO

De conformidade co previsto no artigo 20.8 da Lei 38/20333, de 17 de novembro, Xeral de Subvencións, se transmitirá á base de datos nacional de subvencións a información requirida por esta, o texto da convocatoria para a súa publicación na citada base e o extracto para a publicación no Boletín Oficial da Provincia.

Estas bases entrarán en vigor ao día seguinte desa publicación do extracto.

## DISPOSICIÓN ADICIONAL PRIMEIRA

Para todo o non disposto nestas bases estarase ao disposto na Lei 9/2007, de subvencións de Galicia.



Venres, 19 de setembro de 2025

Núm. 179

*ANEXOS*

O contido destas bases e os anexos expóranse na páxina web do Concello de Vilagarcía de Arousa: [www.vilagarcia.es](http://www.vilagarcia.es) e na sede electrónica <http://sede.vilagarcia.gal/>

Vilagarcía de Arousa, na data da sinatura dixital.

O alcalde-presidente,

Asdo.: Alberto Varela Paz.

